

第一百二十五冊

卷二百四十二

列女傳四

新纂雲南通志

盧

漢題

簽



新纂雲南通卷卷二百四十二

列女傳四

大理府一

漢

曼阿娜妻阿南牒榆人元封間夫爲漢裨將郭世忠所殺欲妻之阿南曰能從我三事乎一作幕次祭故夫一焚故夫衣易君新衣一令國人遍知禮嫁郭皆如其言於六月二十五日聚國人張松幕置火其下阿南俟火熾乃焚夫衣遂躍身入火國人哀之後每歲是日燃炬相傳爲弔阿南又名星回節

道光志

唐

鄧睽詔妻慈善開元間南詔欲併六詔爲一因星回節召五詔宴會

松明樓慈善止夫勿行不聽乃以鐵釧約其臂而別及至南詔火其樓各詔尋夫骸不能識獨慈善認釧得夫骸以歸南詔異其慧以幣聘之慈善以夫未葬爲辭乃歸治喪事竣堅閉其城南詔發兵圍之三月食盡盛服端坐竟以餓死南詔悔旌其城曰德源

萬曆志

元

段功女羌娜一名僧娜大理人至正間其父爲梁王所害羌娜志在復讎後將歸阿黎氏出繡旗示弟寶曰自我省事之日即聞父冤欲復讎於梁王專待汝長成繡此旗今七年矣我將借兵夫家汝亦提父兵來會此旗爲符詠詩而別

道光志

明

胡濬妻奚氏鄧川人夫任中前所千戶氏年二十二夫卒姑憫之令

改適氏曰娶婦以養母也母無他子誰適爲養姑不能奪其志天順

三年旌

萬曆志

楊和妻施氏 楊璘妻趙氏 楊謙妻張氏太和人皆以夫亡守節

成化二十二年詔旌其門曰二孝三節楊一清周洪謨各爲序記以

表之

萬曆志

阿明妻陶氏鄧川人夫爲本州土舍氏年二十六夫卒撫孤守志三

十餘年宏治間旌

萬曆志

何偉妻趙氏太和人夫以母病覓藥溺水氏大慟亦死之詔旌其門

康熙志

楊汝爲妻陽氏太和人年少夫卒撫幼子桄以女紅自給家人罕見

其面桄登進士嘉靖間旌

萬曆志

張守綸妻陳氏太和人夫嘉靖庚子舉人卒之明日氏隨自縊督學

旌之

萬曆志

崔喬遷妻李氏太和人夫爲諸生早卒氏矢志不二嘉靖間監司旌

獎

萬曆志

劉君寵妻懷氏太和人夫卒家貧苦節觀風者崇獎焉

康熙志

楊洪妻釗氏太和人年二十將嫁夫病危父母欲改嫁不從竟歸楊

侍湯藥踰月夫卒遂自縊嘉靖間郡守旌其墓

萬曆志

趙文振妾劉氏太和人夫任通判臥病氏事之甚謹踰年知一日旣

卒氏送葬歸自縊嘉靖間郡守旌之

萬曆志

王汝爲妻楊氏太和人參議楊南金女年二十夫卒環土於室四十

年家人不見其面甘貧撫孤嘉靖間督學旌獎

萬曆志

邵麟妻李氏太和人年二十五夫卒家貧辟纊自給撫二孤皆爲諸

生嘉靖間監司旌獎

萬曆志

沈秋妻楊氏太和人夫卒衣不周身內族襁以紵衣氏曰夫子生不受人憐遂以敝服殮人謂其有黔婁妻之風甘貧育子以勤苦終嘉

靖間督學旌

康熙志

王文妻奚氏太和人年十八嫁甫三月夫客死於外氏以節自誓夫弟欲得其產迫之嫁不從生遺腹子幹勵志撫孤足不履闕幹長娶張氏家失火延及鄰居時火禁甚嚴幹畏法赴火死產業一空張亦守節矢志如姑教季子邦泰登嘉靖己酉賢書人以爲姑婦賢節之

報

萬曆志

趙鐸妻楊氏太和人年二十五夫卒人欲奪其志矢志撫孤守節五

十七年

萬曆志

楊濟妻張氏太和人年二十七夫卒守志終身嘉靖間有司旌之

萬曆志

趙璘妻王氏趙州人許聘未嫁有土官願納白金五百償其夫聘資又以黃金五十餽其父父欲改字氏不從竟歸趙歲餘夫患疾不愈病中遺命更嫁氏盡髡其髮納夫袖中曰以此誓同穴夫既卒父母翁姑強其嫁不從富豪強委禽氏聞椎胸嘔血死嘉靖間監司旌獎

萬曆志

劉繼文妻鄒氏趙州人年十六嘉靖間等賊掠白崖氏走水田中賊

於崖上張弩恐之氏曰寧射死必不從賊遂射之貫顙而死

康熙志

胡洪妻馮氏趙州人年二十七夫卒遺孤顯宗甫十七日甘貧守節

撫子成立鄉里賢之

康熙志

時啓東妻鄒氏趙州人年二十夫病割股救之未幾夫卒無子甘貧

守節舅姑歿力營葬事冰霜之節終始不渝

雍正志

金印妻李氏趙州人夫病割股進之及卒守節四十三年

康熙志

馬明輔妻舒氏洱海衛人夫任本衛百戶氏年十九夫卒孝養舅姑

撫子承襲守節六十餘年

萬曆志

李昇妻楊氏浪穹人年三十夫卒矢志撫子友蘭以逸才應選嘉靖

間巡撫旌其門後氏卒友蘭廬墓盡哀

康熙志

劉廷弼妻李氏浪穹人年二十夫卒欲殉衆謂二孤何恃遂忍死守

節五十年嘉靖間臺司旌之

雍正志

常畜亨女雲南縣人母病篤割股以進尋卒隆慶間兵備道旌

雲南縣志

楊永茂妻周氏太和人年二十夫卒無子甘貧守志數十年隆慶間

監司旌之

雍正志

陸彥妻陳氏太和人年二十八夫卒無子守節三十三年卒之日遺

言以其產爲陸氏祭田

萬曆志

楊模妻陽氏太和人年二十夫卒於外歸櫬之日悲痛嚙棺齒爲之

落守節以終

萬曆志

謝應寵妻楊氏太和人年十九夫卒子甫一歲堅志守節紡績以養

翁姑有勸其改適者正色拒之以節壽終

雍正志

沈應選妻陳氏太和人年二十七夫卒遺一子甘貧守節撫子成名

年七十五以子鯨貴受封

雍正志

宋良臣妻郭氏大理衛人夫任本衛千戶氏年二十八夫卒子應甫

四歲甘貧守志撫子承襲應亦以孝聞撫按旌

萬曆志

周鳳妻袁氏 周瑞妻徐氏大理衛人夫任本衛指揮卒氏守節撫

子瑞娶徐氏瑞卒徐亦撫其子之晃守節如姑撫按旌爲雙節

萬曆志

奚相妻韓氏大理衛人夫任本衛千戶早卒氏守節不移鄉人重之

萬曆志

楊鑑妻李氏浪穹人年十八夫卒遺子甫一歲矢志堅貞教子及孫

皆成名隆慶間巡按旌

康熙志

楊冕妻孫氏鄧川人年三十五夫卒守志不二壽百有三歲召旌其

門

康熙志

楊儼妻俞氏鄧川人夫卒氏年少撫子九齡子卒媳楊氏亦守節如

姑

康熙志

案俞氏康熙志作尹氏未知孰誤

楊敬妻秦氏鄧川人年二十四夫卒撫二幼子後卒又撫孫壽七十

終

萬曆志

張先翼妻楊氏鄧川人年二十三夫卒欲自縊衆救之因嚙指自誓

有司旌之

康熙志

艾自新妻何氏鄧川人夫爲選貢年二十六夫卒苦節教子萬曆間

院道給米旌獎

康熙志

楊一鶴妻段氏鄧川人年二十六夫卒守節教子克成夫志萬曆間

旌

康熙志

張課妻劉氏雲南縣人歸甯偕夫行遇賊於途入蔡姓家賊追及之
氏以身捍門賊欲劫之厲聲罵賊賊加刃於頸曰速殺我我不受辱
也刃矛交集數創後猶裂裳塞痛捍門不移竟死門間夫獲全天啟

五年旌康熙志

陶萬化妻樊氏浪穹人年二十一夫卒甘貧苦志教子文彥登崇禎

甲戌進士守節二十九年大理府志

戴魁名妻張氏賓川人崇禎九年姑與夫病皆割股救之未幾夫卒

氏年二十五誓不他適守節三十九年大理府志

鍾爵妻鄭氏雲南縣人早歲夫卒家貧撫子遊國學壽八十臺司旌

之大理府志

楊燦妻李氏賓川人年二十四夫卒紡績養翁姑有求娶者毀容斷

指守節二十六年康熙志

張奇學妻王氏賓川人姑病割股救愈夫病又割股崇禎十五年遭

兵變被執知不免負三歲子投水死雍正志

道光志案大理府志
張奇學作張奇鶴

楊渭妻陽氏雲龍人夫早卒矢志守節孝事翁姑撫子寅佐後氏病

其子籲天請代刲股作羹以進學使旌之

康熙志

張氏雲南縣人夫姓名失傳賊李萬春掠其鄉氏被擄欲污之不從

罵賊死

雍正志

陳完妻張氏太和人夫爲本衛千戶氏年二十六夫卒撫子化鵬襲

職撫按旌之

濮卿妻吳氏太和人夫爲百戶歿氏誓死以守撫子承勳襲職守節

三十餘年

董炳然妻趙氏 洪澤妻楊氏 仲清妻陳氏太和人皆年青守節

鄉里重之

楊恆吉妻陽氏太和人年二十五夫卒養姑撫子當道旌之

譚本仁妻姚氏瀾滄衛人住大理夫卒年二十九守節訓子臺司旌之

張雲鵬妻李氏太和人年二十四夫卒撫二子成立鄉人重之

李試妻趙氏太和人夫隨世父遠宦卒於署氏年二十聞訃號痛誓以身殉及櫬歸將葬先沐浴縫衣裳縊於棺側遂合葬焉

字氏土知州阿尙夔之母癯癯五十餘年教子襲職賢節爲鄉里所稱有司旌之

趙剛妻秦氏鄧川人年二十七夫卒撫五子成立守節五十三年

平直妻秦氏鄧川人年二十夫卒撫子入庠鄉里稱賢

秦棟妻郭氏鄧川人年二十夫卒孝事孀姑鄉里賢之

劉本澄妻吳氏鄧川人年二十八夫卒甘貧撫子起龍領鄉薦壽七十

楊如龍妻張氏浪穹人年二十二夫卒教子自立領乙卯鄉薦守節二十八年

楊植妻董氏浪穹人年十九夫卒矢志不移守節四十年人無閒言臺使給額旌之

楊應顯妻鄭氏浪穹人年十八夫卒撫子成立巡撫給額旌之

李祐妻朱氏浪穹人年三十夫卒守節六十餘年臺司旌之

寸忠妻楊氏浪穹人年十八夫卒遺腹生子以仁撫之成立以仁善事母

王錫妻婁氏賓川人夫卒甘貧守節至老不移

李英母辛氏賓川人夫失其名年二十一夫卒無子從子英如已出課以成名官通判有司旌其門

李獻忠妻阮氏太和人夫爲知縣沙賊之亂罵賊死之

楊憲妻陽氏 媳艾氏 女奇璐 奇璵 孫女順貞 習貞太和

人沙賊破城同縊死

楊慈妻陽氏 女奇璧太和人沙賊陷城同壻李孔昭俱焚死

李瑤妻楊氏太和人沙賊圍城先期拜辭父母及夫城破遂自縊死

胡康妻鄒氏 尹宏載妻洪氏二氏皆太和人沙賊破城同罵賊死

宋之鼎母楊氏 妻段氏之鼎子女太和人沙賊官千戶沙賊之亂

一家七口自縊死

鄭宗儒妻邱氏太和人沙賊陷城同媳女五口俱焚死

楊璃妻陽氏 媳李氏 沈氏 姪媳楊氏 孫享哥 孫女二太

和人沙賊之亂同子時華振華自焚死其長子毓華先死於學宮

朱正泰妻黃氏太和人沙賊破城氏被執罵賊死

李氏女名瓊貞太和人年十二城陷投井死

王宗仁母楊氏太和人宗仁官百戶城破楊率其媳及孫與孫女等

十口俱一樓焚死

馬兆麟妻黃氏趙州人沙賊恣掠婦女有以氏恣色導賊者氏聞之

自縊死

以上大理府志

卞明妻戴氏鄧州人年二十七夫卒撫三子入庠守節五十三年

鄧州志

道光志案卞明府志作亡
旺疑府志誤茲從州志

段恩錫妻王氏趙州人年二十八沙賊至與夫避兵蒼山賊搜至度